

ТАСДИҚЛАНГАН

2020 йил 26 июнда бўлиб ўтган

«O'zneftgazinformatika» AJ

акциядорлар умумий  
йиғилиши қарори билан



Аношкина А.А.

**«O'zneftgazinformatika»  
АКЦИЯДОРЛИК ЖАМИЯТИ  
НИЗОМИ**

(26.06.2020 йил ҳолати бўйича киритилган ўзгартиришлар билан янги таҳрири)

Тошкент-2020 йил

# 1 МОДДА

## ЖАМИЯТНИНГ НОМИ, УНИНГ ЖОЙЛАШГАН ЎРНИ, ЖАМИЯТНИНГ ЮРИДИК МАҚОМИ

1.1. Ушбу Низом «O'zneftgazinformatika» акциядорлик жамиятининг аввал Тошкент шаҳар Мирзо Улуғбек туман Ҳокимияти тадбиркорлик субъектларини рўйхатдан ўтказиш инспекцияси тамонидан 14.07.2014 йилда 04-0001331 рақам билан рўйхатга олинган ва 19.06.2015, 05.02.2016, 30.06.2016, 28.03.2018, 02.10.2018, 28.06.2019 йиллардаги акциядорлар умумий йиғилишлари қарорлари билан ўзгартириш ва қўшимчалар киритилган Низомнинг янги таҳрири деб ҳисобланади.

21.08.2006 йилдаги ПҚ-446 рақамли Президент Қарорига мувофиқ «KIVS» ОАЖ номи «O'zneftgazinformatika» ОАЖ га ўзгартирилган.

06.05.2014 йилдаги ЎРҚ-370 рақамли Ўзбекистон Республикаси Қонунига мувофиқ «O'zneftgazinformatika» ОАЖ номи «O'zneftgazinformatika» АЖ га ўзгартирилган.

1.2. Жамиятнинг давлат тилидаги тўлиқ расмий номи (лотин алифбосида):  
**«O'zneftgazinformatika» aksiyadorlik jamiyati.**

Жамиятнинг давлат тилидаги тўлиқ расмий номи (кирил алифбосида):

**«O'zneftgazinformatika» акциядорлик жамияти.**

Жамиятнинг давлат тилидаги қисқартирилган номи (лотин алифбосида):

**«O'zneftgazinformatika» AJ.**

Жамиятнинг давлат тилидаги қисқартирилган номи (кирил алифбосида):

**«O'zneftgazinformatika» АЖ.**

Жамиятнинг рус тилидаги тўлиқ расмий номи:

**Акционерное общество «Узнефтегазинформатика».**

Рус тилидаги қисқартирилган номи: **АО «Узнефтегазинформатика».**

1.3. Жамиятнинг почта манзили ва юридик жойлашган ўрни: Ўзбекистон Республикаси, Тошкент шаҳри, Мирзо Улуғбек тумани, Мирзо Улуғбек. кўчаси, 32а уй, почта рақами 100007.

Электрон почта манзили kivs@inbox.ru

1.4. Кейинги ўринларда "Жамият" деб аталадиган «O'zneftgazinformatika» акциядорлик жамияти Ўзбекистон Республикаси Давлат Мулки Қўмитаси Тошкент шаҳар бўйича Бошқармасининг давлат корхонасининг очик акциядорлик жамиятига ўзгартирилиши тўғрисидаги 1995 йил 30 июн 337 пп-р сонли фармойишига асосан ташкил қилинган.

1.5. Хусусийлаштиришда Жамият таъсисчилари Ўзбекистон Республикаси Давлат Мулки Қўмитаси Тошкент шаҳар бўйича Бошқармаси ва Мужассамлаштирилган ахборот-ҳисоблаш маркази меҳнат жамоаси бўлган.

20.07.2007 йилдаги ПҚ-672 сонли Президент Қарорини бажариш мақсадида Жамиятнинг давлат улуши акциялари (Низом жамғармасининг 51%) 19.08.2008 йилда бўлиб ўтган аукцион сотув натижаларига мувофиқ “Муборакнефтваз” УШҚ га сотилган. 08.06.2015 йилдан “Муборакнефтваз” МЧЖга айланган.

Жамият Низом жамғармасининг 18,25 фоизини ташкил этувчи 112 308 дона оддий акциялар Ўзбекистон Республикаси Президентининг 21.12.2015 йилдаги ПҚ-2454 сонли қароридан келиб чиққан ҳолда, Жамият акциядорлари томонидан 16.06.2016й. – 18.06.2016й. кунлари қонунчиликда ўрнатилган тартибда иккиламчи бозорда “Тошкент” РФБ орқали “Атлант” МЧЖ га (Россия) сотилган.

09.07.2019 йилдаги ПҚ-4388 сонли Ўзбекистон Республикаси Президентининг Қарорини бажариш мақсадида “Ўзнефтвазинформатика” АЖ Низом жамғармасининг “Муборакнефтваз” МЧЖга тегишли улуши (52,46%) 03.12.2019 йилда Ўзбекистон Республикаси давлат активларини бошқариш Агентлигига берилган ва давлат улушига айланган.

1.6. Жамият юридик шахс бўлиб, ўз фаолиятини Ўзбекистон Республикасининг амалдаги қонунчилиги ва ушбу Низом асосида олиб боради.

1.7. Жамият ўз томонидан тасдиқланган Низомлар асосида иш юритувчи филиаллар ва ваколатхоналар ташкил қилиши мумкин.

1.8. Жамият юридик шахс ҳуқуқига эга бўлган шўъба, тобе жамиятларга эга бўлиши мумкин. Шўъба ёки тобе жамият билан асосий Жамият ўртасидаги ўзаро мунасобатлар амалдаги қонунчилик ва ушбу Низом билан тартибга солинади.

1.9. Жамият мустақил балансга, белгиланган тартибда Ўзбекистон Республикаси ҳудуди ҳамда унинг ташқарисидаги банкларда ҳисоб-китоб ва бошқа ҳисоб рақамлари очиш ҳуқуқига, шунингдек, давлат тилида ёзилган ўзининг тўлиқ фирма номи ва жойлашган манзили кўрсатилган думолоқ муҳрга эга

бўлишга ҳақли.

1.10. Жамият ўзининг номи ва жойлашган манзили кўрсатилган штамплар ва бланкаларига, ўзининг белгисига, шунингдек, белгиланган тартибда рўйхатга олинган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

1.11. Жамият давлат рўйхатидан ўтказилган вақтдан бошлаб юридик шахс ҳуқуқига эга бўлади.

## **2 МОДДА**

### **ЖАМИЯТ ФАОЛИЯТИНИНГ МАҚСАДИ, ТУРЛАРИ ВА МУДДАТИ**

2.1. Жамият фаолиятининг мақсади фойда келтириб чиқаришдир.

2.2. Жамиятнинг фаолият турлари қўйидигилардан иборат:

- хисоблаш техника воситаларинининг дастурий таъминоти ишлаб чиқиш ва мослаштириш;
- турли автоматлаштирилган бошқарув тизимларини лойиҳалаш, ишлаб-чиқиш, мослаштириш, ишга тушириш ва уларга сервис хизмат кўрсатиш;
- компьютерлар, ҳисоб тармоқлари ва телекоммуникация воситаларига техникавий ва тизимий хизмат кўрсатиш;
- ўлчаш ва назорат қилиш воситаларини монтаж қилиш, созлаш, калибрлаш, уларга техникавий ва тизимий хизмат кўрсатиш, уларни текширувдан ўтказиш ишларини амалга ошириш;
- ёнғинга қарши автоматика воситаларини, қўриқлаш сигнализацияларини, ёнғиндан дарак берувчи ва ёнғиндан сақловчи сигнализацияларни лойиҳалаш, монтаж қилиш, созлаш, таъмирлаш ва уларга техник хизмат кўрсатиш;
- саноат электр таъминот тизимларини лойиҳалаш, монтаж қилиш, созлаш, таъмирлаш ва уларга техник хизмат кўрсатиш;
- метрология бўйича хизмат кўрсатиш;
- компьютер асосида ўқитишни ташкил этиш;
- халқ истеъмоли молларини ишлаб чиқариш;
- юридик ва жисмоний шахсларга пуллик хизмат кўрсатиш;
- ўзи ишлаб чиқарган, ҳамда шартномалар асосида бошқа ташкилотлардан ва хусусий шахслардан олинган товар ва маҳсулотларни чакана ва улгуржи савдосини ташкил этиш;
- тижорат ва воситачилик фаолияти;
- ўзининг тижорат, озиқ-овқат, универсал фирма дўконлари тармоғини яратиши;
- ташқи-иқтисодий фаолият.

Махсус рухсатнома (лицензия) талаб қилинадиган фаолият турлари қонунчиликда ўрнатилган тартибда лицензия олингандан сўнг амалга оширилади.

2.3. Жамиятнинг фаолият муддати чекланмаган.

## **3 МОДДА**

### **НИЗОМ ЖАМҒАРМАСИНИНГ ҲАЖМИ**

3.1. Жамиятнинг Низом жамғармаси Жамият акцияларининг номинал қийматидан ташкил топади. Жамият томонидан чиқарилган барча акцияларнинг номинал қиймати бир хил бўлиши лозим.

3.2. Жамиятнинг Низом жамғармаси унинг кредиторлари манфаатларини кафолатлайдиган жамият мулкнинг энг кам миқдорини белгилайди.

3.3. Жамият оддий акцияларни жойлаштириши шарт, шунингдек имтиёзли акцияларни жойлаштиришга ҳақли. Имтиёзли акцияларнинг номинал қиймати Жамият низом жамғармасининг йигирма фоизидан ошмаслиги керак.

3.4. Жамиятнинг ҳар бир иштирокчиси Жамият акцияларига обуна бўлганидан сўнг, мазкур Низомдан келиб чиқадиган ҳуқуқ ва мажбуриятларга эга бўлади ва кейичилик "Акциядор" деб номланади.

3.5. Жамият мулки акцияларга тўланган бадаллардан (Низом жамғармасидан), Жамиятнинг хўжалик фаолияти натижасида ишлаб чиқарган маҳсулотларидан, олинган даромадидан, шунингдек, Ўзбекистон Республикаси қонунчилигига тўғри келадиган бошқа асослар бўйича эга бўлган мулклардан ташкил топади.

3.6. Низом жамғармаси миқдори 615 323 000 сўмни ташкил этиб, у ҳар бирининг номинал қиймати 1000 сўм бўлган 615 323 дона эгаси ёзилган акцияларга бўлинган.

Жамият низом жамғармасини ошириш мақсадида жойлаштирилган акцияларига кушимча равишда

жойлаштиришга ҳақли бўлган эълон қилинган акцияларнинг миқдори номинал қиймати 1000 (бир минг) сумлик 110 000 (бир юз ун минг) дона умумий қиймати 110 000 000 (бир юз ун миллион) сумлик эгасининг номи ёзилган оддий акциялардан иборат.

3.7. Жамият томонидан чиқарилаётган ва унинг балансида турган акцияларнинг тўловларига тушган пул маблағлари Жамият ҳисобига киритилади. Чет эл валютасидаги пул бадаллари Жамият Низом жамғармасига киритишда уларнинг қиймати Ўзбекистон Республикаси Марказий банкнинг ўша вақтдаги курси бўйича сўмда ҳисобланади. Валюта маблағлари Жамиятнинг валюта ҳисобига киритилади.

3.8. Акция тўловларига тушган қимматли қоғозлар Жамиятнинг махсус ҳисоб рақамида амалдаги қонунчиликда ўрнатилган тартибда ҳисобга олинади ва сақланади.

3.9. Акциялар ворисликга, юридик шахсларнинг ҳуқуқи ўтқизилишига ва бошқа асосларга қўра олиниши мумкин.

## **4 МОДДА** **НИЗОМ ЖАМҒАРМАСИНИ ОШИРИШ ВА КАМАЙТИРИШ ТАРТИБИ**

### **Низом жамғармасини ошириш**

4.1. Жамиятнинг Низом жамғармаси қўшимча акциялар чиқариш йўли билан оширилиши мумкин. Жамиятнинг Низом жамғармасини кўпайтириш жойлаштирилган қўшимча акцияларнинг номинал қиймати миқдорида рўйхатдан ўтказилади. Бунда Жамият Низомида кўрсатилган эълон қилинган муайян турдаги акцияларнинг сони ушбу турдаги жойлаштирилган қўшимча акцияларнинг сонига қисқартирилиши керак.

4.2. Қўшимча акциялар Жамият томонидан фақатгина мазкур Низомга белгиланган миқдор чегарасидаги эълон қилинган акциялар сонидан жойлаштирилиши мумкин.

4.3. Жамиятнинг низом жамғармасини кўпайтириш тўғрисидаги ва Жамият низомига тегишли ўзгаришлар киритиш ҳақидаги қарорлар акциядорларнинг умумий йиғилиши томонидан қабул қилинади. Жамият акциядорларининг умумий йиғилишининг қарорига асосан мазкур масала бўйича қарор қабул қилиш ваколати жамиятнинг кузатув кенгашига ҳам берилиши мумкин.

4.4. Жамиятнинг низом жамғармасини кўпайтиришга жалб қилинган инвестициялар, Жамиятнинг ўз капитали ва ҳисобланган дивидендлар ҳисобидан қонун ҳужжатларида белгиланган тартибда амалга оширилиши мумкин.

Жамиятнинг Низом жамғармасини унинг ўз капитали ҳисобидан қўшимча акцияларни жойлаштириш йўли билан кўпайтиришда бу акциялар барча акциядорлар ўртасида тақсимланади. Бунда ҳар бир акциядорга қайси турдаги акциялар тегишли бўлса, аynи ўша турдаги акциялар унга тегишли акциялар сонига мутаносиб равишда тақсимланади. Жамиятнинг Низом жамғармаси кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, Жамиятнинг Низом жамғармасини кўпайтиришга йўл қўйилмайди.

4.5. Жамият Низом жамғармасини қўшимча акцияларни жойлаштириш йўли билан ошириш тўғрисидаги қарорда қўшимча оддий акциялар ва имтиёзли акцияларнинг уларнинг эълон қилинган миқдори чегарасидаги жойлаштирилган сони, жойлаштирилиш муддати ва шартлари, шунингдек, ушбу Низомга биноан жойлаштирилаётган акцияларнинг сотиб олиш имтиёзли ҳуқуқига эга бўлган акциядорлар учун жойлаштириш нархи белгиланиши лозим.

### **Жамият Низом жамғармасини камайитириш**

4.6. Жамият Низом жамғармаси акциялар номинал қийматини камайитириш ёки акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда жамият томонидан акцияларни олиш йўли билан камайитирилиши мумкин.

4.7. Низом жамғармасини камайитириш тўғрисидаги ва Жамият Низомига тегишли ўзгаришлар киритиш ҳақидаги қарорлар акциядорларнинг умумий йиғилиши томонидан қабул қилинади.

4.8. Акциядорларнинг умумий йиғилиши Низом жамғармасини камайитириш тўғрисидаги қарорни қабул қилаётганида жамғарманинг камайитирилиши сабабларини кўрсатади ва уни камайитириш тартибини белгилайди.

## **5 МОДДА** **ЧИҚАРИЛАЁТГАН АКЦИЯЛАРНИНГ ТУРЛАРИ, УЛАРНИНГ НОМИНАЛ ҚИЙМАТИ, ҲАР** **ХИЛ ТУРДАГИ АКЦИЯЛАРНИНГ ЎЗ АРО НИСБАТИ**

5.1. Жамият қимматли қоғозларини чиқариш, уларни рўйхатга олиш, жойлаштириш, ва улар бўйича ҳисоблашиш тартиби Ўзбекистон Республикасининг амалдаги қонунчилиги ҳамда мазкур Низом билан белгиланади.

5.2. Жамият Ўзбекистон Республикасининг қонунчилиги билан тақиқлаб қўйилмаган акциялар, корпоратив облигациялар ва бошқа турдаги қимматли қоғозларни чиқариш ҳуқуқига эга.

5.3. Акциядорлар акциялар учун тўлов бадалларини қуйидагича амалга оширишлари мумкин:

- пул маблағлари (сўмларда ва чет эл валютасида);
- турли хилдаги мулклар;
- қимматли қоғозлар орқали;
- бошқа қонунчилик билан тақиқлаб қўйилмаган активлар билан.

5.4. Агар Жамиятнинг пулдан ўзга воситалар билан ҳақи тўланаётган акциялари ва бошқа қимматли қоғозларининг номинал қиймати қонун ҳужжатларида белгиланган энг кам иш ҳақининг икки юз бараваридан кўпни ташкил этса, Жамиятнинг акциялари ва бошқа қимматли қоғозларининг ҳақи сифатида киритилаётган мол-мулкнинг пулда ифодаланган баҳоси баҳоловчи ташкилот томонидан чиқарилиши зарур.

5.5. Жамият акцияларни ва акцияларга айирбошланадиган қимматли қоғозларни жойлаштирилишини амалга оширишда очик ёки ёпиқ обуна воситаларини куллаш ҳуқуқига эга.

5.6. Жамият томонидан акцияларни ва акцияларга айирбошланадиган, ҳақи пул маблағлари билан тўланадиган эмиссиявий қимматли қоғозларни жойлаштиришда овоз берувчи акцияларнинг эгалари бўлган акциядорлар уларни имтиёзли равишда олиш ҳуқуқига эга. Акциядор, шу жумладан акциядорларнинг умумий йиғилишида қарши овоз берган ёхуд унда иштирок этмаган акциядор акцияларни ва акцияларга айирбошланадиган эмиссиявий қимматли қоғозларни ўзига тегишли шу турдаги акциялар миқдорига мутаносиб миқдорда имтиёзли олиш ҳуқуқига эга.

5.7. Акцияларга бўлган ҳуқуқлар акцияларни олувчига унинг депо ҳисоб варағига тегишли кирим ёзуви киритилган пайтдан эътиборан ўтади ва қонун ҳужжатларида белгиланган тартибда инвестиция воситачиси томонидан берилган депо ҳисоб варағидан кўчирма билан тасдиқланади.

5.8. Жамият ўзининг хўжалик фаолияти билан боғлиқ бўлган зарарларни қоплаш учун акцияларни чиқариш ҳуқуқига эга эмас.

5.9. Жамиятнинг корпоратив облигациялари Жамият акцияларига айирбошланадиган қимматли қоғозлар бўлиши мумкин ва уларни мол-мулк билан таъминланган ҳолда чиқариш тўғрисида қарор қабул қилиш санасидаги ўз капитали миқдори доирасида чиқаришга ҳақли.

Жамият томонидан акцияларга конвертация қилинадиган корпоратив облигацияларнинг жойлаштирилиши ҳолларида эълон қилинган ушбу турдаги акциялар сони ана шу корпоратив облигацияларнинг муомилада бўлиши муддати давомида конвертация учун зарур бўлган миқдоридан кам бўлмаслиги лозим.

5.10. Жамият ўзи жойлаштирган корпоратив облигацияларидан конвертация қилинган акциялар берадиган ҳуқуқларни ушбу корпоратив облигациялар эгаларининг розилигисиз чегаралаш тўғрисида қарор қабул қилиш ҳуқуқига эга эмас.

## **6 МОДДА**

### **ДАРОМАД (ФОЙДА), ДИВИДЕНДЛАР ТАҚСИМЛАШ ВА ЗАРАРЛАРНИ ҚОПЛАШ ТАРТИБИ**

6.1. Жамият хўжалик фаолиятининг натижасида олинадиган фойда амалдаги қонунчилик бўйича солиқлар тўланганидан сўнг Жамият ҳисобида қолади ва амалдаги қонун ҳужжатларига мувофиқ равишда Жамият жамғармаларни тузиш, акциялар бўйича дивидендлар тўлаш, ҳамда акциядорларнинг умумий йиғилиш қарори билан тасдиқланган низомлар асосида бошқарув ва кузатув кенгаши раҳбарлари ва аъзолари, ҳамда Жамиятнинг молиявий натижаларини шакллантиришда иштирок этган Жамият ишчиларини моддий рағбарлантириш учун фойдаланилади.

6.2. Дивиденд жамият соф фойдасининг акциядорлар ўртасида тақсимланадиган қисмидир.

Жамият ҳар бир турдаги акциялар бўйича эълон қилинган дивидендларни тўлаши шарт.

6.3. Дивиденд акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд Жамиятнинг қимматли қоғозлари билан тўланиши мумкин. Жамиятнинг имтиёзли акциялари бўйича дивидендларни қимматли қоғозлар билан тўлашга йўл қўйилмайди.

Дивиденд акциядорлар ўртасида уларга тегишли акциялар сони ва турига қараб пропорционал тақсимланади.

6.4. Жамият томонидан оддий акциялар бўйича ҳисобланган дивидендларни тўлаш акциядорларнинг дивидендларни олишга бўлган тенг ҳуқуқларига риоя этилган ҳолда амалга оширилади.

6.5. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

6.6. Дивидендлар Жамиятнинг жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади. Имтиёзли акциялар бўйича дивидендлар Жамиятнинг бунинг учун махсус мўлжалланган фондлари ҳисобидан ҳам тўланиши мумкин.

6.7. Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор Жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади. Дивидендларнинг миқдори жамият кузатув кенгаши томонидан тавсия этилган миқдордан кўп бўлиши мумкин эмас. Акциядорларнинг умумий йиғилиши акцияларнинг муайян турлари бўйича дивидендлар тўламаслик тўғрисида, шунингдек жамият уставида дивиденд миқдори белгилаб қўйилган имтиёзли акциялар бўйича тўлиқ бўлмаган миқдорда дивидендлар тўлаш ҳақида қарор қабул қилишга ҳақли.

Дивидендларни тўлаш муддати ва тартиби Жамиятнинг уставида ёки акциядорларнинг умумий йиғилиши қарорида белгиланади ва унда дивидендлар тўлаш бошланадиган ва тугалланадиган саналар кўрсатилган бўлиши лозим. Дивидендларни тўлаш муддати шундай қарор қабул қилинган кундан эътиборан олти кундан кеч бўлмаслиги лозим.

6.8. Акциядорларга дивидендларни тўлаш тўғрисида қарор қабул қилинган акциядорларнинг умумий йиғилишини ўтказиш учун шакллантирилган Жамият акциядорларининг реестрида қайд этилган шахслар акциялар бўйича дивиденд олиш ҳуқуқига эга.

6.9. Жамият ҳисобланган дивидендларни тўлашдан рад этган тақдирда акциядорлар дивидендлар тўланишини суд тартибида талаб қилиши мумкин. Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йиғилиши қарорига кўра Жамият ихтиёрида қолади.

6.10. Жамият Ўзбекистон Республикаси норезидент акциядорининг ёзма талабига кўра унга ҳисобланган дивидендларни эркин айирбошланадиган валютага айирбошлаб, маблағларни норезидент акциядор тақдим этган банк ҳисобварағига ўтказиб бериши шарт.

6.11. Жамият акциядорларининг реестридан олинган, Жамият томонидан тасдиқланган кўчирма ҳамда Жамият бухгалтериясининг ҳисобланган дивидендлар суммаси ва улар ҳисобланган сана тўғрисидаги маълумотномаси айирбошлаш учун асос бўлиб хизмат қилади.

6.12. Жамият:

Жамият Низом жамғармасининг ҳаммаси унинг таъсис этилиши чоғида тўлиқ тўлаб бўлингунига қадар;

агар дивидендлар тўланадиган пайтда Жамиятда банкротлик белгилари мавжуд бўлса ёки Жамиятда шундай белгилар дивидендларни тўлаш натижасида пайдо бўлса;

агар Жамият соф активларининг қиймати унинг Низом жамғармаси ва захира фонди суммасидан кам бўлса, акциялар бўйича дивидендлар тўлаш тўғрисида қарор қабул қилишга ҳамда дивидендлар тўлашга ҳақли эмас.

Юқорида кўрсатилган ҳолатлар тугатилгач, Жамият ҳисобланган дивидендларни акциядорларга тўлаши шарт.

6.13. Жамият дивидендларнинг миқдорини улардан ундириладиган солиқларни инобатга олмаган ҳолда эълон қилади. Жамият тўланадиган дивидендлар миқдори тўғрисидаги маълумотларни қимматли қоғозлар бозорини тартибга солиш бўйича ваколатли давлат органининг ва жамиятнинг расмий веб-сайтларида қонун ҳужжатларида белгиланган муддатларда эълон қилади.

## 7 МОДДА

### ЗАХИРА ЖАМҒАРМАСИ ТАШКИЛ ЭТИШ ТАРТИБИ

7.1. Жамиятнинг соф фойда ҳисобидан захира жамғармаси этилади.

7.2. Бошқа маблағлар мавжуд бўлмаган тақдирда, Жамиятнинг захира фонди жамиятнинг зарарлари

ўрнини қоплаш, Жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва Жамиятнинг акцияларини қайтариб сотиб олиш учун мўлжалланади.

7.3. Захира жамғармаси Низом жамғармасининг 75% миқдорида шаклланади.

7.4. Жамият ҳар йили захира жамғармасига унинг ҳажми мазкур Низомнинг 7.3. бандида белгиланган миқдорга етгунча соф фойда суммасининг 5 фойзидан кам бўлмаган миқдорида ажратади.

7.5. Агар захира жамғармаси тўлиқ ёки қисман сарфланса, мажбурий ажратмалар қилиниши янгитдан бошланади.

7.6. Жамият қонун ҳужжатларида ўрнатилган тартибда бошқа фондларни ташкил этиш ҳуқуқига эга.

## **8 МОДДА**

### **АКЦИЯДОРЛАРНИНГ ҲУҚУҚ ВА МАЖБУРИЯТЛАРИ**

8.1. Акциядорлар қуйидаги ҳуқуқларга эга:

- Жамиятнинг акциядорлар реестрига киритилиши;
- Инвестиция воситачисидagi депо ҳисобварағидан ўзига тааллуқли кўчирма олиш;
- Жамият фойдасининг бир қисмини дивидендлар тарзида олиш;
- Жамият тугатилган тақдирда ўзларига тегишли улушга мувофиқ мол-мулкнинг бир қисмини олиш;
- акциядорларнинг умумий йиғилишларида овоз бериш орқали жамиятни бошқаришда иштирок этиш;
- Жамиятнинг молия-хўжалик фаолияти натижалари тўғрисида тўлиқ ва ишончли ахборотни белгиланган тартибда олиш;
- олган дивидендини эркин тасарруф этиш;
- қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;
- ўзига етказилган зарарнинг ўрни қопланишини белгиланган тартибда талаб қилиш;
- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
- қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш.

Акциядорлар қонун ҳужжатларига ва Жамият Низомига мувофиқ бошқа ҳуқуқларга ҳам эга.

8.2. Жамиятнинг ҳар бир оддий акцияси унинг эгаси - акциядорга баравар ҳажмдаги ҳуқуқларни беради.

8.3. Акциядорларнинг мажбуриятлари қуйдагилардан иборат:

- мазкур Низомда кўзда тутилган тартибда, миқдорда ва усулларда акцияларнинг нархини тўлаш;
- аффилланганлик асослари вужудга келган пайтдан эътиборан уч иш кунидан кечиктирмай жамиятни қимматли қоғозлар бозорини тартибга солиш бўйича ваколатли давлат органи томонидан белгиланган маълумотларни батафсил кўрсатган ҳолда ўзининг аффилланганлиги тўғрисида ёзма шаклда хабардор қилиш;
- ўз акцияларига бўлган ҳуқуқларини ҳисобга олиш бўйича хизматлар кўрсатувчи инвестиция воситачисини ўзига оид маълумотлардаги ўзгаришлар ҳақида ўз вақтида хабардор қилиш;
- Жамиятнинг фаолияти тўғрисидаги махфий ахборотларни ошкор этмаслик.

8.4. Жамият акцияларининг 50 ва ундан ортиқ фоизи эгасига айланган шахс, агар у бунгача Жамият акцияларига эгалик қилмаган ёки акцияларининг 50 фоизидан камроғига эгалик қилган бўлса, қолган акциялар эгаларига акцияларни бозор қиймати бўйича ўзига сотишлари борасидаги таклифини ўттиз кун ичида эълон қилиши шарт. Акциядорнинг ўзига тегишли акцияларни сотиши тўғрисидаги ёзма розилиги эълон қилинган кундан эътиборан ўттиз кун ичида олинган тақдирда, жамиятнинг 50 ва ундан ортиқ фоиз акциялари эгаси мазкур акцияларни сотиб олиши шарт.

## **9 МОДДА**

### **АКЦИЯДОРЛАРНИНГ УМУМЙЙ ЙИҒИЛИШИ**

9.1. Жамият акциядорларнинг Умумий йиғилиши, Жамиятни кузатув кенгаши ҳамда ижроия органи бошқаради.

9.2. Акциядорларнинг умумий йиғилиши Жамиятнинг юқори бошқарув органидир.

9.3. Жамият ҳар йили акциядорларнинг умумий йиғилишини (акциядорларнинг йиллик умумий

ййғилишини) ўтказиши шарт.

9.4. Акциядорларнинг йиллик умумий ййғилиши молия йили тугаганидан кейин олти ойдан кечиктирмай ўтказилади. Акциядорларнинг йиллик умумий ййғилишида Жамиятнинг кузатув кенгашини ва тафтиш комиссиясини сайлаш тўғрисидаги, Жамият бошқарувининг раиси ва аъзолари билан тузилган шартноманинг муддатини узайтириш, уни қайта тузиш ёки бекор қилиш мумкинлиги ҳақидаги масалалар ҳал этилади, шунингдек “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонун 59-моддаси биринчи қисмининг ўн иккинчи ва ўн учинчи хатбошилариға мувофиқ Жамиятнинг йиллик ҳисоботи ва бошқа ҳужжатлари кўриб чиқилади.

Акциядорларнинг йиллик умумий ййғилишидан ташқари ўтказиладиган умумий ййғилишлари навбатдан ташқари ййғилишлардир.

Акциядорларнинг умумий ййғилиши кун тартибига киритилмаган масалалар бўйича қарор қабул қилишға, шунингдек кун тартибига ўзгартишлар киритишға ҳақли эмас.

9.5. Акциядорларнинг умумий ййғилишини ўтказиш санаси ва тартиби, ййғилиш ўтказилиши ҳақида акциядорларға хабар бериш тартиби, акциядорларнинг умумий ййғилишини ўтказишға тайёргарлик вақтида акциядорларға бериладиган материалларнинг (ахборотнинг) рўйхати Жамиятнинг кузатув кенгаши томонидан белгиланади.

9.6. Акциядорлар Умумий ййғилишининг ваколат доирасига қуйидагилар киради:

а) Жамият низомига ўзгартиришлар ва қўшимчалар киритиш ёки янги таҳрирдаги жамият низомини тасдиқлаш; Жамият Низомига Жамиятнинг Низом жамғармасини кўпайтириш ва Жамиятнинг эълон қилинган акцияларни сонини камайитириш билан боғлиқ бўлган ўзгартиришлар ва қўшимчалар киритиш масаласи акциядорлар умумий ййғилиши қарори билан Кузатув кенгашиға ҳал қилиши учун берилиши мумкин;

б) Жамиятни қайта ташкил этиш;

в) Жамиятни тугатиш, тугатиш комиссиясини тайинлаш ҳамда оралиқ ва якуний тугатиш балансларини тасдиқлаш;

г) Жамият кузатув кенгашининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

д) эълон қилинган акцияларнинг энг кўп миқдорини белгилаш;

е) Жамият низом жамғармасини ошириш ёки камайитириш; Жамиятнинг Низом жамғармасини кўпайтириш ва Жамиятнинг эълон қилинган акцияларни сонини камайитириш масаласи акциядорлар умумий ййғилиши қарори билан Кузатув кенгашиға ҳал қилиши учун берилиши мумкин;

ж) Жамият томонидан ўз акцияларни сотиб олиш;

з) Жамиятнинг ташкилий тузилмасини тасдиқлаш, ижроия органини тузиш, унинг раҳбарини сайлаш (тайинлаш) ва раҳбарнинг ваколатларини муддатидан илгари тугатиш; Жамиятнинг ижроия органини тузиш, унинг раҳбарини сайлаш (тайинлаш) ва раҳбарнинг ваколатларини муддатидан илгари тугатиш масалалари акциядорлар умумий ййғилиши қарори билан Кузатув кенгаши ҳал қилиши учун берилиши мумкин;

и) Жамият тафтиш комиссиясининг аъзоларини сайлаш ва уларнинг ваколатларини муддатидан илгари тугатиш, шунингдек тафтиш комиссияси тўғрисидаги низомни тасдиқлаш;

к) мажбурий аудиторлик текширувини ўтказиш учун аудиторлик ташкилотини белгилаш, ушбу ташкилотнинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;

л) Жамиятнинг йиллик ҳисоботини ва йиллик бизнес-режасини, шунингдек жамият фаолиятининг асосий йўналишлари ва мақсадидан келиб чиққан ҳолда жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш; жамиятнинг йиллик бизнес-режасини тасдиқлаш масаласи акциядорлар умумий ййғилиши қарори билан Кузатув кенгашиға ҳал қилиши учун берилиши мумкин;

м) Жамиятнинг фойдаси ва зарарларини тақсимлаш;

н) Жамият кузатув кенгашининг ва тафтиш комиссиясининг ўз ваколат доирасига кирадиган масалалар юзасидан, шу жумладан Жамиятни бошқаришға доир қонун ҳужжатларида белгиланган талабларға риоя этилиши юзасидан Жамият кузатув кенгашининг ҳисоботларини ва тафтиш комиссиясининг ҳулосаларини эшитиш;

о) Жамият томонидан корпоратив облигациялар, шу жумладан акцияларға айирбошланадиган облигациялар чиқариш тўғрисида қарор қабул қилиш; бу масала акциядорлар умумий ййғилиши қарори билан Кузатув кенгаши ҳал қилиши учун берилиши мумкин;

п) қимматли қоғозларнинг ҳосилаларини чиқариш тўғрисида қарор қабул қилиш; бу масала



акциядорлар умумий йиғилиши қарори билан Кузатув кенгаши ҳал қилиши учун берилиши мумкин;

р) Жамиятнинг корпоратив облигацияларини қайтариб сотиб олиш тўғрисида қарор қабул қилиш; бу масала акциядорлар умумий йиғилиши қарори билан Кузатув кенгаши ҳал қилиши учун берилиши мумкин;

с) имтиёзли ҳуқуқни қўлламаслик тўғрисида “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонуннинг 35-моддасида назарда тутилган қарорни қабул қилиш;

т) акциядорлар умумий йиғилишининг регламентини тасдиқлаш;

у) акцияларни майдалаш ва йириклаштириш;

ф) жамиятнинг ижроия органига тўланадиган ҳақ ва (ёки) компенсацияларни, шунингдек уларнинг энг юқори миқдорларини белгилаш; бу масала акциядорлар умумий йиғилиши қарори билан Кузатув кенгаши ҳал қилиши учун берилиши мумкин;

х) қарор қабул қилинаётган санада баланс қиймати Жамият соф активлари миқдорининг эллик фоизидан ортиғини ташкил этувчи мол-мулкни Жамият томонидан олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ бўлган (шу жумладан қарз, кредит, гаров, кафиллик) йирик битим тузиш, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно;

Жамият кузатув кенгашининг яқдиллигига эришилмаган ва акциядорларнинг умумий йиғилишига олиб чиқилган, қарор қабул қилинаётган санада баланс қиймати Жамият соф активлари миқдорининг ўн беш фоизидан эллик фоизгачасини ташкил этувчи мол-мулкни Жамият томонидан олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ бўлган йирик битим тузиш масаласи, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно;

ц) Жамиятга нисбатан аффилланган шахслар билан қуйидаги ҳолатларда битим тузиш:

- агар Жамият кузатув кенгашининг икки ва ундан ортиқ аъзоси аффилланган шахс бўлса;

- ушбу масалада Жамият кузатув кенгашининг яқдиллигига эришилмаган ва масала акциядорларнинг умумий йиғилишига ҳал қилиши учун олиб чиқилганда;

- аффилланган шахс билан тузиладиган битим бир вақтни ўзида қарор қабул қилинаётган санада баланс қиймати Жамият соф активлари миқдорининг эллик фоизидан ортиғини ташкил этувчи мол-мулкни Жамият томонидан олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ бўлган (шу жумладан қарз, кредит, гаров, кафиллик) йирик битим бўлганда, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно;

ч) қонун ҳужжатларига мувофиқ бошқа масалаларни ҳал этиш.

- Акциядорлар умумий йиғилишининг ваколат доирасига киритилган масалалар жамиятнинг ижроия органи ҳал қилиши учун берилиши мумкин эмас.
- Акциядорлар умумий йиғилишининг ваколат доирасига киритилган масалалар жамиятнинг кузатув кенгаши ҳал қилиши учун берилиши мумкин эмас, қуйидаги масалалар бундан мустасно:
- Жамиятнинг Низом жамғармасини кўпайтириш ва Жамиятнинг эълон қилинган акцияларни сонини камайитириш, шунингдек Жамият Низомига Жамиятнинг Низом жамғармасини кўпайтириш ва Жамиятнинг эълон қилинган акцияларни сонини камайитириш билан боғлиқ ўзгартириш ва қўшимчалар киритиш;
- “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонуннинг 34-моддасига мувофиқ акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;
- Жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;
- қимматли қоғозларнинг ҳосилаларини чиқариш тўғрисида қарор қабул қилиш;
- Жамиятнинг корпоратив облигацияларини қайтариб сотиб олиш тўғрисида қарор қабул қилиш;
- Жамиятнинг ижроия органини тузиш, унинг раҳбарини сайлаш (тайинлаш), раҳбарнинг ваколатларини муддатидан илгари тугатиш;
- Жамиятнинг ижроия органига тўланадиган ҳақ ва компенсациялар миқдорларини белгилаш;
- “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонуннинг 75-моддаси биринчи қисмининг ўн биринчи хатбошисига мувофиқ жамиятнинг йиллик

бизнес-режасини тасдиқлаш.

9.7. Овозга қўйилган масала бўйича акциядорлар умумий йиғилишининг қарори, агар “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонунда бошқача қоида белгиланмаган бўлса, жамиятнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади.

9.8. Қуйидаги масалалар бўйича қарорлар акциядорлар умумий йиғилиши томонидан акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик овози билан қабул қилинади:

- Жамият Низомига ўзгартириш ва қўшимчалар киритиш ёки Жамиятнинг янги таҳрирдаги Низомини тасдиқлаш;
- Жамиятни қайта ташкил этиш;
- Жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;
- эълон қилинган акцияларнинг энг кўп миқдорини белгилаш;
- Жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан Жамиятни бошқаришга доир қонун ҳужжатларида белгиланган талабларга риоя этилиши юзасидан Жамият кузатув кенгашининг ҳисоботларини ва тафтиш комиссиясининг (тафтишчисининг) ҳулосаларини эшитиш;
- қарор қабул қилинаётган санада баланс қиймати жамият соф активлари миқдорининг эллик фоизидан ортиғини ташкил этувчи мол-мулкни Жамият томонидан олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ бўлган йирик битим тузиш, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно;
- Жамият кузатув кенгашининг яқдиллигига эришилмаган ва акциядорларнинг умумий йиғилишига олиб чиқилган, қарор қабул қилинаётган санада баланс қиймати Жамият соф активлари миқдорининг ўн беш фоизидан эллик фоизигачасини ташкил этувчи мол-мулкни Жамият томонидан олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ бўлган йирик битим тузиш масаласи, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно.
- аффилианган шахс билан келишувни маъқуллаш.

9.9. Солиққа оид ёки давлат олдидagi бошқа қарздорлик ҳисобига Жамият низом жамғармасидаги давлат улушини шакллантириш ёки ошириш тўғрисидаги қарор Жамият акциядорлари умумий йиғилиши томонидан Жамиятнинг жойлаштирилган овоз берувчи акцияларининг камида учдан икки қисми эгалари бўлган акциядорларнинг (давлатдан ташқари) розилиги мавжуд бўлган тақдирда, акциядорларнинг оддий кўпчилик овози билан қабул қилинади.

9.10. Акциядорлар умумий йиғилишида овозга қўйилган масалалар юзасидан акциядорлар - Жамият оддий акцияларининг эгалари овоз бериш ҳуқуқига эга.

9.11. Акциядорларнинг умумий йиғилишида иштирок этиш ҳуқуқига акциядорларнинг умумий йиғилиши ўтказиладиган санадан уч иш куни олдин шакллантирилган жамият акциядорларининг реестрида қайд этилган акциядорлар эга бўлади.

Акциядорлар умумий йиғилишида иштирок этиш ҳуқуқига эга бўлган акциядорлар реестрига ўзгартиришлар қонун ҳужжатларида белгиланган тартибда фақатгина ушбу реестр тузилган санада унга кирмай қолган шахслар ҳуқуқлари тикланаётган ёки унинг тузилганида рўй берган ҳатолар тузатилаётган ҳолларда киритилиши мумкин.

9.12. Акциядорларнинг умумий йиғилишда акциядорлар реестрига киритилган, умумий йиғилишда қатнашиш ҳуқуқига эга булган акциядорлар, уларнинг ваколатли вакиллари, Жамият аудитори, Жамият кузатув кенгаш ва ижроия органи аъзолари, Жамият тафтиш комиссия аъзолари ҳозир бўлиш ҳуқуқига эга бўладилар Кузатув кенгашни ва Жамият назорат органларини сайлаш бўйича овоз бериш бюллетенига киритилган номзодларни, шунингдек Бошқарув Раисини тайинлаш бўйича кўрсатиб ўтилган шахсларни ҳам таклиф этиш тавсия этилади.

9.13. Акциядорларнинг умумий йиғилишида иштирок этиш ҳуқуқи акциядор томонидан шахсан ёки унинг вакили орқали амалга оширилади. Акциядорнинг вакили акциядорларнинг умумий йиғилишида ёзма шаклда тузилган ишончнома асосида иш юритади. Овоз беришга доир ишончномада ваколат берган ва вакил қилинган шахс тўғрисидаги маълумотлар (исми-шарифи ёки номи, яшаш жойи ёки жойлашган ери, паспортига оид маълумотлар) бўлиши лозим. Жисмоний шахс номидан берилган овоз беришга доир

ишончнома нотариал тартибда тасдиқланган бўлиши керак. Юридик шахс номидан овоз беришга доир ишончнома унинг раҳбарининг имзоси ва ушбу юридик шахснинг муҳри билан тасдиқланган ҳолда берилади. Акциядор умумий йиғилишдаги ўз вакилини истаган вақтда алмаштириш еки бўлмаса йиғилишда ўзи шахсан иштирок этиш ҳуқуқига эга.

9.14. Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида йигирма бир кундан кечиктирмай, лекин узоғи билан ўттиз кун олдин Корпоратив ахборотнинг ягона порталида, жамиятнинг расмий веб-сайтида ва оммавий ахборот воситаларида эълон қилинади, шунингдек акциядорларга электрон почта орқали юборилади.

9.15. Акциядорларнинг умумий йиғилишини ўтказиш тўғрисидаги хабарда қуйидагилар кўрсатилиши керак:

- Жамиятнинг номи, жойлашган ери (почта манзили) ва электрон почта манзили;
- умумий йиғилиш ўтказиладиган сана, вақт ва жой;
- Жамият акциядорларининг реестри шакллантириладиган сана;
- умумий йиғилиш кун тартибига киритилган масалалар;
- умумий йиғилишни ўтказишга тайёргарлик кўрилаётганда акциядорларга тақдим этилиши лозим бўлган ахборот (материаллар) билан акциядорларни таништириш тартиби.

9.16. Умумий йиғилишда қатнашиш учун акциядорлар ёки уларнинг тўлиқ ваколатларига эга бўлган шахслар билдиришномада курсатилган жой ва вақтда рўйхатдан ўтишлари лозим. Умумий йиғилишга қатнашиш учун келган акциядор-жисмоний шахслар рўйхатдан ўтиш учун паспорт ёки бошқа шахсиятни гувоҳлайдиган ҳужжатни, вакиллар эса, шунингдек, нотариус томонидан тасдиқланган ишонч қоғозини тақдим этадилар. Умумий йиғилишга келган акциядорларнинг рўйхатдан ўтказилиши умумий йиғилишда қатнашиш ҳуқуқига эга бўлган акциядорлар рўйхатига биноан олиб борилади. Бу рўйхат акциядорларнинг умумий йиғилиши ўтказиладиган санадан уч иш куни олдин шакллантирилган Жамият акциядорларининг реестри маълумотларига биноан тузилади.

9.17. Акциядорларнинг умумий йиғилишини ўтказишга тайёргарлик кўрилаётганда акциядорларга тақдим этилиши лозим бўлган ахборотга (материалларга) Жамиятнинг йиллик ҳисоботи, Жамиятнинг йиллик молия-хўжалик фаолиятини текшириш натижалари юзасидан Жамият тафтиш комиссиясининг ва аудиторлик ташкилотининг хулосаси, Жамият кузатув кенгашининг бошқарув раиси билан тузилган шартноманинг амал қилиш муддатини узайтириш, шартномани қайта тузиш ёки бекор қилиш мумкинлиги тўғрисидаги хулосаси, шунингдек Жамиятнинг кузатув кенгаши ҳамда тафтиш комиссияси аъзолигига номзодлар тўғрисидаги маълумотлар, Жамиятнинг Низомига киритиладиган ўзгартириш ва қўшимчалар лойиҳаси ёки Жамиятнинг янги таҳрирдаги Низоми лойиҳаси киради.

9.18. Акциядорларнинг умумий йиғилишини ўтказишга тайёргарлик кўрилаётганда акциядорларга тақдим этилиши мажбурий бўлган қўшимча ахборотнинг (материалларнинг) рўйхати қимматли қоғозлар бозорини тартибга солиш бўйича ваколатли давлат органи томонидан белгиланиши мумкин.

9.19. Жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) Жамиятнинг молия йили тугаганидан кейин 90 кундан кечиктирмай акциядорларнинг йиллик умумий йиғилиши кун тартибига масалалар киритишга ҳамда Жамият кузатув кенгаши ва тафтиш комиссиясига бу органнинг миқдор таркибидан ошмайдиган тарзда номзодлар кўрсатишга ҳақли.

Акциядорлар (акциядор) Жамият кузатув кенгаши ва тафтиш комиссиясига ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартишлар киритишга ҳақли.

9.20. Акциядорлар умумий йиғилишининг кун тартибига масала уни қўйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади.

9.21. Жамият кузатув кенгашига ва тафтиш комиссиясига номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг исми-шарифи, унга тегишли акцияларнинг сони ва тури (агар номзод жамият акциядори бўлса), шунингдек номзодни кўрсатаётган акциядорларнинг исми-шарифи (номи), уларга тегишли акцияларнинг сони ва тури кўрсатилади.

9.22. Жамиятнинг кузатув кенгаши тушган таклифларни кўриб чиқиши ҳамда ушбу Низом 9.18. бандининг биринчи ва иккинчи хатбошларида белгиланган муддат тугаганидан сўнг ўн кундан кечиктирмай уларни акциядорларнинг умумий йиғилиши кун тартибига киритиш тўғрисида ёки мазкур кун тартибига киритишни рад этиш ҳақида қарор қабул қилиши шарт. Акциядорлар (акциядор)

томонидан киритилган масала акциядорлар умумий йиғилишининг кун тартибига, худди шунингдек кўрсатилган номзодлар Жамиятнинг кузатув кенгашига ва тафтиш комиссиясига сайлов бўйича овоз бериш учун номзодлар рўйхатига киритилиши керак, қуйидаги ҳоллар бундан мустасно:

- ушбу Низом 9.18. бандининг биринчи ва иккинчи хатбошларида белгиланган муддатга акциядорлар (акциядор) томонидан рияз этилмаган бўлса;
- акциядорлар (акциядор) Жамиятнинг ушбу Низом 9.18. бандининг биринчи хатбошида назарда тутилган миқдордаги овоз берувчи акцияларининг эгаси бўлмаса;
- ушбу Низом 9.20. бандида назарда тутилган маълумотлар тўлиқ бўлмаса;
- таклифлар “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонун талабларига мувофиқ бўлмаса.

9.23. Жамият кузатув кенгашининг масалани акциядорлар умумий йиғилишининг кун тартибига ёки номзодни Жамият кузатув кенгашига ва тафтиш комиссиясига сайлов бўйича овоз бериш учун номзодлар рўйхатига киритишни рад этиш тўғрисидаги асослантирилган қарори масалани киритган ёки таклиф тақдим этган акциядорларга (акциядорга) қарор қабул қилинган кундан эътиборан уч иш кунидан кечиктирмай юборилади.

9.24. Жамият кузатув кенгашининг масалани акциядорлар умумий йиғилишининг кун тартибига ёки номзодни Жамият кузатув кенгашига ва тафтиш комиссиясига сайлов бўйича овоз бериш учун номзодлар рўйхатига киритишни рад этиш тўғрисидаги қарори устидан судга шикоят қилиниши мумкин.

9.25. Акциядорларнинг умумий йиғилиши томонидан қабул қилинган қарорлар, шунингдек овоз бериш якунлари бу қарорлар қабул қилинган санадан эътиборан ўттиз кундан кечиктирмай акциядорлар эътиборига етказилади. Агар акциядор узрли сабабга кўра акциядорларнинг умумий йиғилишида иштирок этмаган ёки бундай қарор қабул қилинишига қарши овоз берган бўлса, у акциядорларнинг умумий йиғилиши томонидан қабул қилинган қарор устидан судга шикоят қилишга ҳақлидир.

9.26. Акциядорларнинг навбатдан ташқари умумий йиғилиши Жамият кузатув кенгашининг қарорига кўра унинг ўз ташаббуси асосида, тафтиш комиссиясининг ёзма талаби, шунингдек ёзма талаб тақдим этилган санада жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талаби асосида ўтказилади.

9.27. Жамият тафтиш комиссиясининг ёки Жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талабига кўра акциядорларнинг навбатдан ташқари умумий йиғилишини чақириш акциядорларнинг навбатдан ташқари умумий йиғилишини ўтказиш ҳақида ёзма талаб тақдим этилган кундан эътиборан ўттиз кундан кечиктирмай Жамиятнинг кузатув кенгаши томонидан амалга оширилади.

9.28. Акциядорларнинг навбатдан ташқари умумий йиғилишини ўтказиш тўғрисидаги талабда йиғилиш кун тартибига киритилиши керак бўлган масалалар уларни киритиш сабаблари кўрсатилган ҳолда таърифланган бўлиши керак.

9.29. Жамиятнинг кузатув кенгаши жамият тафтиш комиссиясининг ёки Жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра чақириладиган акциядорларнинг навбатдан ташқари умумий йиғилиши кун тартибига масалаларнинг таърифига ўзгартишлар киритишга ҳақли эмас.

9.30. Акциядорларнинг навбатдан ташқари умумий йиғилишини чақириш тўғрисидаги талаб акциядордан (акциядорлардан) чиққан тақдирда, бу талабда умумий йиғилишни чақиришни талаб қилаётган акциядорнинг (акциядорларнинг) исми-шарифи (номи), унга тегишли акцияларнинг сони, тури кўрсатилган бўлиши лозим.

9.31. Акциядорларнинг навбатдан ташқари умумий йиғилишини чақириш тўғрисидаги талаб акциядорларнинг навбатдан ташқари умумий йиғилишини чақиришни талаб қилган шахс (шахслар) томонидан имзоланади.

9.32. Жамиятнинг тафтиш комиссияси ёки Жамият овоз берувчи акцияларининг камида беш фоизига эгалик қилувчи акциядор (акциядорлар) акциядорларнинг навбатдан ташқари умумий йиғилишини чақириш тўғрисида талаб тақдим этган санадан эътиборан ўн кун ичида Жамият кузатув кенгаши акциядорларнинг навбатдан ташқари умумий йиғилишини чақириш тўғрисида ёки йиғилишни чақиришни рад этиш ҳақида қарор қабул қилиши керак.

9.33. Жамият тафтиш комиссиясининг ёки Жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра акциядорларнинг навбатдан ташқари умумий йиғилишини чақиришни рад этиш тўғрисидаги қарор қуйидаги ҳолларда қабул қилиниши мумкин, агар:

- акциядорларнинг навбатдан ташқари умумий йиғилишини чақиришни талаб қилаётган акциядор (акциядорлар) ушбу Низом 9.25. бандида назарда тутилган миқдордаги Жамият овоз берувчи акцияларининг эгаси бўлмаса;

- кун тартибига киритиш учун таклиф этилган масалалардан бирортаси ҳам акциядорлар умумий йиғилишининг ваколат доирасига кирмаса;

- кун тартибига киритиш учун таклиф этилган масала “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонун талабларига мувофиқ бўлмаса.

9.34. Жамият кузатув кенгашининг акциядорларнинг навбатдан ташқари умумий йиғилишини чақириш тўғрисидаги қарори ёки бундай йиғилишни чақиришни рад этиш ҳақидаги асослантирилган қарори йиғилиш чақиришни талаб қилган шахсларга қарор қабул қилинган пайтдан эътиборан уч иш кунидан кечиктирмай юборилади.

9.35. Жамият кузатув кенгашининг акциядорларнинг навбатдан ташқари умумий йиғилишини чақиришни рад этиш тўғрисидаги қарори устидан судга шикоят қилиниши мумкин.

9.36. Жамият кузатув кенгаши “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонунда белгиланган муддат ичида акциядорларнинг навбатдан ташқари умумий йиғилишини чақириш тўғрисида қарор қабул қилмаган тақдирда ёки уни чақиришни рад этиш ҳақида қарор қабул қилган тақдирда, акциядорларнинг навбатдан ташқари умумий йиғилиши уни чақиришни талаб қилган шахслар томонидан чақирилиши мумкин.

9.37. Бундай ҳолларда акциядорларнинг умумий йиғилишига тайёргарлик кўриш ва уни ўтказиш билан боғлиқ харажатларнинг ўрни акциядорлар умумий йиғилишининг қарорига кўра Жамиятнинг маблағлари ҳисобидан қопланиши мумкин.

9.38. Агар акциядорларнинг умумий йиғилишида иштирок этиш учун рўйхатдан ўтказиш тугалланган пайтда Жамиятнинг жойлаштирилган овоз берувчи акцияларининг жами эллик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга) бўлади.

9.39. Акциядорларнинг умумий йиғилишини ўтказиш учун кворум бўлмаса, акциядорларнинг тақрорий умумий йиғилишини ўтказиш санаси эълон қилинади. Акциядорларнинг тақрорий умумий йиғилишини ўтказишда кун тартибини ўзгартиришга йўл қўйилмайди.

9.40. Агар акциядорларнинг ўтказилмай қолган йиғилиши ўрнига чақирилган тақрорий умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами қирқ фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг тақрорий умумий йиғилиши ваколатли бўлади.

9.41. Акциядорларнинг тақрорий умумий йиғилишини ўтказиш тўғрисида хабар қилиш “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонуннинг 62-моддасида назарда тутилган муддатларда ва шаклда амалга оширилади.

9.42. Кворум бўлмаганлиги сабабли акциядорларнинг умумий йиғилишини ўтказиш санаси йигирма кундан кам муддатга қўчирилган тақдирда, умумий йиғилишда иштирок этиш ҳуқуқига эга бўлган акциядорлар ўтказилмай қолган умумий йиғилишда иштирок этиш ҳуқуқига эга бўлган акциядорларнинг реестрига мувофиқ аниқланади.

9.43. Акциядорларнинг умумий йиғилишида овоз бериш «жамиятнинг овоз берувчи битта акцияси - битта овоз» принципи бўйича амалга оширилади, Жамиятнинг кузатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно.

9.44. Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

Акциядорлар умумий йиғилишининг баённомасида:

акциядорларнинг умумий йиғилиши ўтказилган сана, вақт ва жой;

- Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони;

- умумий йиғилишда иштирок этган акциядорлар эга бўлган овозларнинг сони;

- умумий йиғилишнинг раиси (раёсати) ва котиби, йиғилиш кун тартиби кўрсатилади.

9.45. Акциядорлар умумий йиғилишининг баённомасида маърузаларнинг асосий мазмуни, овозга қўйилган масалалар ҳамда улар юзасидан ўтказилган овоз бериш яқунлари, йиғилиш қабул қилган қарорлар кўрсатилиши лозим.

## 10 МОДДА ЖАМИЯТ КУЗАТУВ КЕНГАШИ

10.1. Жамиятнинг кузатув кенгаши жамият фаолиятига умумий раҳбарликни амалга оширади, “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонун ва ушбу Низом билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

10.2. Жамиятнинг кузатув кенгаши 5 аъзодан ташкил топади.

10.3. Акциядорлар умумий йиғилишининг қарорига кўра Жамият кузатув кенгашининг аъзоларига улар ўз вазифаларини бажариб турган давр учун ҳақ тўланиши ва (ёки) кузатув кенгашининг аъзоси вазифаларини бажариш билан боғлиқ харажатларининг ўрни қопланиши мумкин. Бундай ҳақ ва тўловларнинг миқдорлари акциядорларнинг умумий йиғилиши қарорида белгиланади.

10.4. Жамият кузатув кенгашининг ваколат доирасига қуйидагилар киради:

- жамиятни ривожлантириш стратегиясига эришиш бўйича кўрилаётган чора-тадбирлар тўғрисида жамият ижроия органининг ҳисоботини мунтазам равишда эшитиб борган ҳолда жамият фаолиятининг устувор йўналишларини белгилаш;
- акциядорларнинг йиллик ва навбатдан ташқари умумий йиғилишларини чақириш, бундан “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонун 65-моддасининг ўн биринчи қисмида назарда тутилган ҳоллар мустасно;
- акциядорлар умумий йиғилишининг кун тартибини тайёрлаш;
- акциядорларнинг умумий йиғилиши ўтказиладиган сана, вақт ва жойни белгилаш;
- акциядорларнинг умумий йиғилиши ўтказилиши ҳақида хабар қилиш учун Жамият акциядорларининг реестрини шакллантириш санасини белгилаш; шунингдек акциядорларнинг умумий йиғилишини ташкил этиш ва ўтказиш билан боғлиқ бошқа масалаларни ҳал этиш;
- Жамият Низомига ўзгартириш ва қўшимчалар киритиш ёки Жамиятнинг янги таҳрирдаги Низомини тасдиқлаш масалаларни акциядорларнинг умумий йиғилиши ҳал қилиши учун киритиш;
- агар акциядорлар умумий йиғилишининг қарори билан кузатув кенгашига бундай ҳуқуқ берилган бўлса, Жамиятнинг Низом жамғармасини эълон қилинган акцияларнинг сони ва турлари доирасидаги қўшимча акцияларни жойлаштириш йўли билан кўпайтириш, шунингдек Жамият Низомига Жамиятнинг Низом жамғармасини кўпайтириш билан боғлиқ ўзгартириш ва қўшимчалар киритиш;
- агар акциядорлар умумий йиғилишининг қарори билан кузатув кенгашига бундай ҳуқуқ берилган бўлса, Жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;
- агар акциядорлар умумий йиғилишининг қарори билан кузатув кенгашига бундай ҳуқуқ берилган бўлса, Жамиятнинг корпоратив облигацияларини қайтариб сотиб олиш тўғрисида қарор қабул қилиш;
- агар акциядорлар умумий йиғилишининг қарори билан кузатув кенгашига бундай ҳуқуқ берилган бўлса, қимматли қоғозларнинг ҳосилаларини чиқариш тўғрисида қарор қабул қилиш;
- мол-мулкнинг бозор қийматини белгилашни ташкил этиш;
- “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонунда назарда тутилган ҳолатларда Жамият ўзи жойлаштирган акцияларни бир қисмини олиш;
- Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонуннинг 34-моддасига мувофиқ акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;
- бошқарув раиси ва бошқарув аъзоларини тайинлаш бўйича акциядорларнинг умумий йиғилишига таклиф киритиш;
- Жамиятнинг бошқарув аъзоларини (раисдан ташқари) сайлаш (тайинлаш);
- Жамиятнинг бошқарув аъзоларининг (раисдан ташқари) ваколатларини муддатидан илгари тугатиш;
- агар акциядорлар умумий йиғилишининг қарори билан кузатув кенгашига бундай ҳуқуқ берилган бўлса, Жамиятнинг ижроия органини тузиш, унинг раҳбарини сайлаш (тайинлаш), раҳбарнинг ваколатларини муддатидан илгари тугатиш;

- Жамият номидан бошқарув раисини ва бошқарув аъзоларини бир йил муддатга ёллаш тўғрисидаги шартномани тузиш;
  - агар акциядорлар умумий йиғилишининг қарори билан кузатув кенгашига бундай ҳуқуқ берилган бўлса, йиллик бизнес-режани тасдиқлаш;
  - агар Жамиятнинг йиллик бизнес-режасини тасдиқлаш акциядорлар умумий йиғилиши қарори билан Жамият кузатув кенгашига топширилмаган бўлса, жамиятнинг йиллик бизнес-режасини маъқуллаш, бунда Жамиятнинг келгуси йилга мўлжалланган бизнес-режаси Жамият кузатув кенгаши мажлисида жорий йилнинг 1 декабридан кечиктирмай маъқулланиши лозим;
  - агар акциядорлар умумий йиғилишининг қарори билан кузатув кенгашига бундай ҳуқуқ берилган бўлса, ижроия органига тўланадиган ҳақ ва компенсацияларнинг миқдорларини белгилаш;
  - Жамиятнинг тафтиш комиссияси аъзоларига тўланадиган ҳақ ва компенсацияларнинг миқдорлари ва аудиторлик ташкилотини хизматларига тўланадиган ҳақнинг энг кўп миқдорини белгилаш юзасидан тавсиялар бериш;
  - дивиденд миқдори, уни тўлаш шакли ва тартиби юзасидан тавсиялар бериш;
  - Жамиятнинг захира фондидан ва бошқа фондларидан фойдаланиш;
  - Жамиятнинг филиалларини ташкил этиш ва ваколатхоналарини очиш;
  - Жамиятнинг шўба ва тобе хўжалик жамиятларини ташкил этиш;
  - қарор қабул қилинаётган санада баланс қиймати Жамият соф активлари миқдорининг ўн беш фоизидан эллик фоизгачасини ташкил этувчи мол-мулкни Жамият томонидан олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ бўлган йирик битим тузиш масаласи, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно;
  - Жамиятга нисбатан аффилланган шахслар билан битим тузиш; бу масалани акциядорлар умумий йиғилиши ҳал қилиши учун чиқарилишини талаб қилинадиган қуйидаги ҳолатлар бундан мустасно:
    - агар Жамият кузатув кенгашининг икки ва ундан ортиқ аъзоси аффилланган шахс бўлса;
    - ушбу масалада Жамият кузатув кенгашининг яқдиллигига эришилмаган бўлса;
    - аффилланган шахс билан тузиладиган битим бир вақтни ўзида қарор қабул қилинаётган санада баланс қиймати Жамият соф активлари миқдорининг эллик фоизидан ортигини ташкил этувчи мол-мулкни Жамият томонидан олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ бўлган (шу жумладан қарз, кредит, гаров, кафиллик) йирик битим бўлганда, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно;
  - Жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;
  - Жамият бошқаруви фаолиятига дахлдор ҳар қандай ҳужжатлардан эркин фойдаланиш ва Жамият кузатув кенгаши зиммасига юклатилган вазифаларни бажариш учун бу ҳужжатларни бошқарувдан олиш;  
Жамият кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;
  - йиллик бизнес-режа бажарилишининг бориши тўғрисида Жамият бошқаруви раисининг ҳисоботларини ҳар чоракда эшитиш ҳамда бошқарув раиси томонидан Жамият йиллик бизнес-режасининг тасдиқланган параметрлари қўпол равишда бузилган ёки уларни бажариш барбод қилинган тақдирда, у билан тузилган шартномаларни муддатидан олдин тўхтатиш;
  - бошқарув раиси томонидан шартнома шартлари қўпол тарзда бузилган тақдирда у билан тузилган шартномаларни муддатидан олдин тўхтатиш;
  - аудиторлик текширувини ўтказиш (мажбурий аудиторлик текшируви бундан мустасно), аудиторлик ташкилотини белгилаш, унинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;
  - “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонуни билан Кузатув кенгаши ваколатига кирадиган бошқа масалаларни ҳал қилиш.
- Жамият кузатув кенгашининг ваколат доирасига киритилган масалалар ҳал қилиш учун

Жамиятнинг ижроия органига ўтказилиши мумкин эмас.

10.5. Жамият кузатув кенгашининг аъзолари “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонунда назарда тутилган тартибда акциядорларнинг умумий йиғилиши томонидан бир йил муддатга сайланади.

10.6. Жамиятнинг кузатув кенгаши таркибига сайланган шахслар чекланмаган тарзда қайта сайланиши мумкин. Акциядорлар умумий йиғилишининг қарори бўйича жамият кузатув кенгаши ҳар қандай аъзоси (барча аъзоларининг) ваколатлари муддатидан олдин тўхтатилиши мумкин.

10.7. Жамият бошқаруви раиси ва аъзолари Жамиятнинг кузатув кенгашига сайланиши мумкин эмас. Айти шу Жамиятда меҳнат шартномаси (контракт) бўйича ишлаётган шахслар Жамиятнинг кузатув кенгаши аъзоси бўлиши мумкин эмас.

Кузатув кенгашга Жамият акциядорлари ҳисобланмаган шахслар ҳам сайланиши мумкин.

10.8. Жамиятнинг кузатув кенгаши таркибига сайланадиган шахсларга нисбатан қўйиладиган талаблар акциядорларнинг умумий йиғилиши томонидан тасдиқланган қарорда белгилаб қўйилиши мумкин.

10.9. Жамиятнинг кузатув кенгаши аъзолари сайлови кумулятив овоз бериш орқали амалга оширилади.

Кумулятив овоз беришда ҳар бир акциядорга тегишли овозлар сони жамиятнинг кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли.

Энг кўп овоз тўплаган номзодлар жамият кузатув кенгашининг таркибига сайланган деб ҳисобланади.

10.10. Жамият кузатув кенгашининг раиси кузатув кенгаши аъзоларининг умумий сонига нисбатан кўпчилик овоз билан, ушбу кенгаш таркибидан кузатув кенгаши аъзолари томонидан сайланади.

10.11. Жамиятнинг кузатув кенгаши ўз раисини кузатув кенгаши аъзоларининг умумий сонига нисбатан кўпчилик овоз билан қайта сайлашга ҳақли.

10.12. Жамият кузатув кенгашининг раиси унинг ишини ташкил этади, кузатув кенгаши мажлисларини чақиради ва уларда раислик қилади, мажлисларда баённома юритилишини ташкил этади, акциядорларнинг умумий йиғилишида раислик қилади.

10.13. Жамият кузатув кенгашининг раиси бўлмаган тақдирда унинг вазифасини кузатув кенгашининг аъзоларидан бири амалга оширади.

10.14. Кузатув кенгаш раиси, агар Кузатув кенгашининг қарори билан ушбу ваколатлар бошқа шахсга юкланмаган бўлса, бошқарув раиси ва унинг аъзолари билан тузилган шартномаларни Жамият номидан имзолайди.

10.15. Жамият кузатув кенгашининг мажлиси кузатув кенгашининг раиси томонидан унинг ўз ташаббусига кўра, Жамият кузатув кенгаши, тафтиш комиссияси, ижроия органи аъзосининг талабига кўра чақирилади.

10.16. Жамият кузатув кенгашининг мажлисини ўтказиш учун кворум Жамият кузатув кенгашига сайланган аъзоларнинг етмиш беш фоизидан кам бўлмаслиги керак.

10.17. Жамият кузатув кенгаши аъзоларининг сони ушбу Низомда назарда тутилган миқдорнинг етмиш беш фоизидан кам бўлган тақдирда, Жамият кузатув кенгашининг янги таркибини сайлаш учун акциядорларнинг навбатдан ташқари умумий йиғилишини чақириши шарт. Кузатув кенгашининг қолган аъзолари акциядорларнинг бундай навбатдан ташқари умумий йиғилишини чақириш тўғрисида қарор қабул қилишга, шунингдек Жамият бошқаруви раиси ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

10.18. Жамият кузатув кенгашининг мажлисида қарорлар, агар “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонунда ўзгача қоида назарда тутилмаган бўлса, мажлисда ҳозир бўлганларнинг кўпчилик овози билан қабул қилинади. Жамият кузатув кенгашининг мажлисида масалалар ҳал этилаётганда кузатув кенгашининг ҳар бир аъзоси битта овозга эга бўлади.

10.19. Агар акциядорлар умумий йиғилишининг қарори билан кузатув кенгашига Жамиятнинг Низом жамғармасини қўшимча акциялар жойлаштириш йўли билан кўпайтириш ва бу билан боғлиқ бўлган Жамиятнинг эълон қилинган акцияларининг сонини камайтириш, шунингдек Жамият Низомига Жамиятнинг Низом жамғармасини кўпайтириш билан боғлиқ ўзгартириш ва қўшимчалар киритиш масалаларини ҳал қилиш ҳуқуқи берилган бўлса, бу қарор Жамият кузатув кенгаши томонидан бир овоздан қабул қилинади.

10.20. Жамият кузатув кенгашининг бир аъзоси ўз овозини кузатув кенгашининг бошқа аъзосига



беришига йўл қўйилмайди.

10.21. Кузатув кенгаши аъзоларининг овози тенг бўлинган холларда кузатув кенгашининг қарорини қабул этишда кузатув кенгаши раисининг овози хал қилувчи деб ҳисобланиши кўзда тутилади.

10.22. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай тузилади.

10.23. Мажлис баённомасида қуйидагилар кўрсатилади:

- мажлис ўтказилган сана, вақт ва жой;
- мажлисда ҳозир бўлган шахслар;
- мажлисининг кун тартиби;
- овоз беришга қўйилган масалалар, улар юзасидан ўтказилган овоз бериш якунлари;
- қабул қилинган қарорлар.

10.24. Жамият кузатув кенгаши мажлисининг баённомаси мажлисда иштирок этаётган жамият кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

10.25. Жамият кузатув кенгашининг аъзолари ўз ҳуқуқларини амалга оширишда ва ўз мажбуриятларини бажаришда Жамиятнинг манфаатларини кўзлаб иш тутиши ҳамда белгиланган тартибда жавобгар бўлиши лозим.

10.26. Агар кузатув кенгашининг аъзоларининг бир нечтаси жавобгар бўлса, уларнинг Жамият олдидаги жавобгарлиги солидар жавобгарлик бўлади.

10.27. Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган Жамият кузатув кенгаши аъзолари жавобгар бўлмайди. “Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги ” қонуннинг 90- моддасида белгиланган холлар бундан мустасно.

10.28. Жамият ёки у жойлаштирган акцияларнинг ҳаммаси бўлиб камида бир фоизига эгалик қилувчи акциядор (акциядорлар) Жамиятга етказилган зарарларнинг ўрнини қоплаш тўғрисидаги даъво билан жамиятнинг кузатув кенгаши аъзоси устидан судга мурожаат қилишга ҳақли.

## **11 МОДДА ЖАМИЯТНИНГ ИЖРОИЯ ОРГАНИ**

11.1. Жамиятнинг кундалик фаолиятига раҳбарлик қилиш ваколати Жамият бошқаруви томонидан амалга оширилади.

Акциядорларнинг умумий йиғилиши томонидан тайинланадиган Жамият бошқаруви таркибига кирган шахснинг ваколатлари муддатидан илгари тугатилган тақдирда, Жамият кузатув кенгашининг қарори билан белгиланган шахс унинг вазифаларини акциядорларнинг навбатдаги умумий йиғилишигача бўлган даврда вақтинча бажариб туришига йўл қўйилади.

11.2. Жамиятнинг бошқаруви 4 кишидан иборат. Бошқарув раиси Жамият умумий йиғилиши томонидан сайланади (тайинланади), бу масала акциядорлар умумий йиғилишининг қарори билан кузатув кенгаши хал қилиши учун берилиши ҳолатлари бундан мустасно. Жамият бошқарувининг аъзоларини (раисдан ташқари) Жамият кузатув кенгаши сайлаши (тайинлаши) мумкин. Бошқарув раиси ва унинг ҳар бир аъзоси билан тегишли лавозим мажбуриятларини бажарилиши тўғрисида шартнома тузилади. Бошқарув раиси ва унинг ҳар бир аъзоси билан шартнома бир йил муддатга тузилиб, ҳар йили уни чўзиш мумкинлиги ёки тўхтатиш лозимлиги тўғрисида қарор қабул қилинади. Жамият номидан шартномаларни кузатув кенгаши раиси ёки кузатув кенгаши томонидан берилган ваколатга эга шахс имзолайди.

Акциядорлар Умумий йиғилиши ёки Кузатув кенгашининг қарорига кўра Жамият Бошқарув раиси ва аъзоларини тайинлаш, қоида тариқасида, чет эллик менежерлар иштирок этиши мумкин бўлган танлов бўйича саралаш асосида амалга оширилади.

11.3. Жамият бошқаруви ваколатига Жамиятнинг кундалик фаолиятига раҳбарлик қилишга доир барча масалалар қиради, акциядорлар умумий йиғилишининг ёки Жамият кузатув кенгашининг ваколат доирасига киритилган масалалар бундан мустасно.

11.4. Жамиятнинг бошқаруви акциядорлар умумий йиғилишининг ва Жамият кузатув кенгашининг қарорлари бажарилишини ташкил этади.

11.5. Жамият бошқарувининг раиси Жамият номидан ишончномасиз иш юритади, шу жумладан унинг манфаатларини ифодалайди, Жамият номидан битимлар тузади, Жамиятнинг филиали ёки ваколатхонаси раҳбарини тайинлайди, штатларни тасдиқлайди, Жамиятнинг барча ходимлари бажариши

мажбурий бўлган буйруқлар чиқаради ва кўрсатмалар беради.

11.6. Бошқарув раисининг ваколатларини муддатидан илгари тугатилиши кузатув кенгаши таклифига мувофиқ акциядорлар умумий йиғилиши қарори билан амалга оширилади. Бу масала акциядорлар умумий йиғилиши қарори билан кузатув кенгашига ҳал қилиши учун берилиши мумкин. Жамиятнинг бошқаруви аъзоларининг (раисдан ташқари) ваколатларини муддатидан илгари тугатиш кузатув кенгаши қарори билан амалга оширилади, бу масала кузатув кенгашининг қарори билан акциядорлар умумий йиғилиши ҳал қилиши учун олиб чиқилиши ҳолатлари бундан мустасно.

Акциядорларнинг умумий йиғилиши Жамият бошқарувининг раиси ва аъзолари билан тузилган шартномани улар шартнома шартларини бузган тақдирда тугатишга (бекор қилишга) ҳақли.

Жамият кузатув кенгаши жамият бошқарувининг раиси ва аъзолари билан тузилган шартномани, агар улар Жамият Низомини қўпол тарзда бузса ёки уларнинг ҳаракатлари (ҳаракатсизлиги) туфайли Жамиятга зарар етказилган бўлса, муддатидан илгари тугатиш (бекор қилиш) ҳуқуқига эга

Акциядорларнинг умумий йиғилиши томонидан Жамият бошқарувининг ваколатларини тугатиш тўғрисида қарор қабул қилинган тақдирда, Жамият бошқарувининг ваколатларини бошқа шахсга ўтказиш тўғрисидаги масала ўша йиғилишнинг ўзида ҳал этилиши ёхуд Жамият ижроия органининг раҳбари вазифасини вақтинча бажарувчи шахсни тайинлаган ҳолда акциядорларнинг яқин орадаги умумий йиғилишида кўриб чиқиш учун қолдирилиши мумкин.

Кузатув кенгаши томонидан Жамият бошқарувининг ваколатларини тугатиш тўғрисида қарор қабул қилган қилинган тақдирда, у Жамият ижроия органининг раҳбари вазифасини вақтинча бажарувчи шахсни тайинлаш тўғрисида қарор қабул қилади, шунингдек Жамиятнинг ижроия органи тўғрисидаги масалани ҳал этиш учун акциядорларнинг навбатдан ташқари умумий йиғилишини чақиради.

11.7. Жамият бошқарувининг раиси ва аъзоларининг ҳуқуқ ва мажбуриятлари “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонун ва бошқа қонун ҳужжатларида, Жамият Низомиди ҳамда уларнинг ҳар бири Жамият билан бир йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади. Жамият бошқарувининг раиси билан тузиладиган шартномада уларнинг Жамият фаолияти самарадорлигини ошириш бўйича мажбуриятлари ҳамда Жамиятнинг йиллик бизнес-режасини бажариш қандай бораётганлиги юзасидан акциядорларнинг умумий йиғилиши ва Жамият кузатув кенгаши олдида берадиган ҳисоботларининг даврийлиги назарда тутилиши керак.

11.8. Жамиятнинг бошқарув раиси вазифаларини бошқа ташкилотларнинг бошқарув органларидаги лавозим билан биргаликда эгаллаб туришга фақат Жамият кузатув кенгашининг розилиги билан йўл қўйилади.

11.9. Жамият бошқарувининг аъзолари хизмат қўлланмалари, ҳар бири билан тузилган меҳнат шартномаси, акциядорлар умумий йиғилиши қарорлари, кузатув кенгаши қарорлари, бошқарув қарорлари ва бошқарув раиси курсатмалари билан белгиланадиган ваколатлари доирасида ҳаракат қиладилар.

Жамият бошқарувининг раисига ва аъзоларига тўланадиган ҳақ миқдори жамият фаолиятининг самарадорлигига тўғридан-тўғри боғлиқ бўлади ва шартномада белгиланган бўлиши керак.

11.10. Жамият бошқарувининг мажлисида баённома юритилади. Жамият бошқаруви мажлисининг баённомаси кузатув кенгашининг ва тафтиш комиссиясининг аъзолари талабига кўра уларга берилади.

11.11. Жамиятнинг бошқаруви мажлисларини ўтказишни бошқарув раиси ташкил этади, у Жамият номидан барча ҳужжатларни ҳамда Жамият бошқаруви мажлиси баённомаларини имзолайди, Жамият номидан, ҳамда Жамиятнинг бошқаруви ўз ваколат доирасида қабул қилган қарорларга мувофиқ ишончномасиз иш юритади.

11.12. Жамият бошқарувининг раиси ва аъзолари ўз ҳуқуқларини амалга оширишда ва ўз мажбуриятларини бажаришда Жамиятнинг манфаатларини кўзлаб иш тутиши ҳамда белгиланган тартибда жавобгар бўлиши лозим.

11.13. Жамият бошқарувининг раиси ҳар чоракда Жамият кузатув кенгашига йиллик бизнес-режа бажарилишининг бориши тўғрисида ҳисоботларни бериши лозим.

11.14. Жамият бошқарувининг раиси ва аъзолари қонун ҳужжатларига мувофиқ Жамият олдида жавобгардирлар.

11.15. Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган Жамият бошқарувининг аъзолари жавобгар бўлмайди бўлмайди. “Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги ” қонуннинг 90-моддасида белгиланган ҳоллар бундан мустасно.

11.16. Агар “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги

Қонуннинг қоидаларига мувофиқ Жамият бошқарувининг бир нечта аъзолари жавобгар бўлса, уларнинг Жамият олдидаги жавобгарлиги солидар жавобгарлик бўлади.

11.17. Жамият ёки у жойлаштирган акцияларнинг ҳаммаси бўлиб камида бир фоизига эгалик қилувчи акциядор (акциядорлар) Жамиятга етказилган зарарларнинг ўрнини қоплаш тўғрисидаги даъво билан Жамият бошқарувининг раиси ёки аъзоси устидан судга мурожаат қилишга ҳақли.

## **12 МОДДА**

### **ЖАМИЯТНИНГ ТАФТИШ КОМИССИЯСИ**

12.1. Жамиятнинг молия-хўжалик фаолиятини назорат қилиш учун Жамият Низомига мувофиқ акциядорларнинг умумий йиғилиши томонидан бир йил муддатга 3 кишидан иборат тафтиш комиссияси сайланади.

12.2. Жамият тафтиш комиссияси аъзоларига доир малака талаблари акциядорларнинг умумий йиғилиши томонидан белгиланади. Айни бир шахс Жамиятнинг тафтиш комиссияси таркибига кетма-кет уч мартадан ортиқ сайланиши мумкин эмас.

12.3. Жамият тафтиш комиссиясининг ваколатлари “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонуни билан белгиланади. Жамият тафтиш комиссияси фаолиятининг тартиби акциядорлар умумий йиғилиши томонидан тасдиқланадиган низомда белгилаб қўйилади.

12.4. Жамиятнинг молия-хўжалик фаолиятини текшириш тафтиш комиссиясининг, акциядорлар умумий йиғилишининг, Жамият кузатув кенгашининг ташаббусига кўра ёки Жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра Жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

12.5. Жамият тафтиш комиссиясининг ёзма талабига кўра Жамият бошқарувининг аъзолари Жамиятнинг молия-хўжалик фаолияти тўғрисидаги ҳужжатларни тафтиш комиссиясига тақдим этиши шарт.

12.6. Жамиятнинг молия-хўжалик фаолиятини текшириш якунларига кўра жамиятнинг тафтиш комиссияси ҳулоса тузади, бу ҳулосада:

жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;

бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга ошириляётганда қонун ҳужжатлари бузилганлиги фактлари тўғрисидаги ахборот кўрсатилиши шарт.

12.6. Жамиятнинг молия-хўжалик фаолиятини текшириш якунларига кўра жамиятнинг тафтиш комиссияси ҳулоса тузади, бу ҳулосада:

- Жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;

- бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга ошириляётганда қонун ҳужжатлари бузилганлиги фактлари тўғрисидаги ахборот кўрсатилиши шарт.

12.7. Тафтиш комиссияси Жамиятда аффилланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва Жамият ички ҳужжатларининг бундай битимларни тузишга доир талабларига риоя қилиниши тўғрисидаги ҳулосани ҳар чоракда Жамият кузатув кенгашининг мажлисига олиб чиқади.

12.8. Жамиятнинг тафтиш комиссияси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонунига мувофиқ акциядорларнинг навбатдан ташқари умумий йиғилиши чақирилишини талаб қилишга ҳақли.

12.9. Жамият тафтиш комиссиясининг аъзолари бир вақтнинг ўзида Жамият кузатув кенгашининг аъзоси бўлиши, шунингдек Жамиятда меҳнат шартномаси (контракт) бўйича ишлаши мумкин эмас.

## **13 МОДДА**

### **ФИЛИАЛЛАР, ВАКОЛАТХОНАЛАР, ШЎҒБА ВА ТОБЕ ЖАМИЯТЛАРНИ ТУЗИШ ВА УЛАРНИНГ ИШЛАТИШ ТАРТИБИ**

13.1. Жамият филиаллар ташкил этишга ва ваколатхоналар очишга ҳақли.

Филиал Жамиятнинг Жамият жойлашган ердан ташқарида жойлашган ҳамда унинг барча

вазифаларини ёки уларнинг бир қисмини, шу жумладан ваколатхонанинг вазифаларини амалга оширадиган алоҳида бўлинмасидир.

Ваколатхона Жамиятнинг Жамият жойлашган ердан ташқарида жойлашган, унинг манфаатларини ифодаладиган ва бу манфаатларни ҳимоя қилишни амалга оширадиган алоҳида бўлинмасидир.

Жамият томонидан Ўзбекистон Республикасидан ташқарида филиаллар ташкил этиш ва ваколатхоналар очиш, агар Ўзбекистон Республикасининг халқаро шартномасида бошқача қоида назарда тутилмаган бўлса, филиаллар ва ваколатхоналар жойлашган ердаги мамлакатнинг қонун ҳужжатларига мувофиқ амалга оширилади.

Жамиятнинг филиали ва ваколатхонаси юридик шахс бўлмайди. Улар Жамиятнинг кузатув кенгаши томонидан тасдиқланган низом асосида иш юритади. Жамиятнинг филиалга ва ваколатхонага бериб қўйилган мол-мулки Жамиятнинг балансида ҳисобга олинади.

13.2. Филиалнинг ёки ваколатхонанинг раҳбари Жамият томонидан тайинланади ва Жамият томонидан берилган ишончнома асосида иш юритади.

Филиал ҳамда ваколатхона фаолияти учун жавобгарлик уларни ташкил этган ва очган Жамият зиммасида бўлади.

13.3. Жамият акциядорлик жамияти ёки масъулияти чекланган жамият шаклидаги шўба ва тобе ҳўжалик жамиятларига эга бўлиши мумкин.

13.4. Шўба ҳўжалик жамиятига мажбурий кўрсатмалар бериш ҳуқуқига эга бўлган асосий жамият бундай кўрсатмаларни бажариш учун шўба ҳўжалик жамияти томонидан тузилган битимлар юзасидан шўба ҳўжалик жамияти билан солидар жавобгар бўлади. Асосий жамиятнинг шўба ҳўжалик жамиятига мажбурий кўрсатмалар бериш ҳуқуқи фақат шўба ҳўжалик жамияти билан тузилган шартномада ёки шўба ҳўжалик жамиятининг низомида назарда тутилган тақдирда асосий жамият бундай ҳуқуққа эга деб ҳисобланади.

13.5. Шўба ҳўжалик жамияти асосий жамиятнинг айби билан банкрот бўлган тақдирда асосий жамият шўба ҳўжалик жамиятининг мажбуриятлари юзасидан субсидиар жавобгар бўлади.

Асосий жамият шўба ҳўжалик жамияти томонидан муайян ҳаракатлар амалга оширилиши оқибатида унинг банкрот бўлиб қолишини олдиндан била туриб, шундай ҳаракатларни амалга оширилиши учун шўба ҳўжалик жамиятига мажбурий кўрсатма берган ва (ёки) шўба ҳўжалик жамиятининг имкониятидан фойдаланган ҳоллардагина шўба ҳўжалик жамиятининг банкротлиги асосий жамиятнинг айби билан юз берган деб ҳисобланади.

13.6. Агар асосий жамият ҳўжалик жамиятининг овоз берувчи акцияларининг (улушларининг) йигирма фоизидан ортиғига эга бўлса, ҳўжалик жамияти тобе деб эътироф этилади.

## 14 МОДДА

### ЙИЛЛИК ҲИСОБОТНИ ТУЗИШ, ТЕКШИРИШ ВА ТАСДИҚЛАШ ТАРТИБИ

14.1. Жамият қонун ҳужжатларида белгиланган тартибда бухгалтерия ҳисобини юритиши ва молиявий ҳисобот тақдим этиши шарт.

14.2. Жамиятда бухгалтерия ҳисобининг ташкил этилиши, ҳолати ва ишончлилиги, тегишли органларга ҳар йилги ҳисобот ва бошқа молиявий ҳисоботлар, шунингдек жамиятнинг расмий веб-сайтида ва оммавий ахборот воситаларида акциядорларга, кредиторларга тақдим этиладиган Жамият фаолияти тўғрисидаги маълумотлар ўз вақтида тақдим этилиши учун жавобгарлик жамият бошқарувининг зиммасида бўлади.

14.3. Жамиятнинг молиявий ҳисоботида кўрсатилган ва акциядорларнинг умумий йиғилишига тақдим этиладиган молиявий ҳисоботдаги, бухгалтерия балансидаги, фойда ва зарарлар ҳисобварағидаги маълумотларнинг ишончлилиги мулкӣ манфаатлари жамият ёки унинг акциядорлари билан боғлиқ бўлмаган аудиторлик ташкилоти томонидан тасдиқланган бўлиши керак.

14.4. Жамиятнинг йиллик ҳисоботи акциядорларнинг йиллик умумий йиғилиши ўтказиладиган санадан ўн кун аввалдаги санадан кечиктирмай жамиятнинг кузатув кенгаши томонидан дастлабки тарзда тасдиқланиши лозим.

14.5. Жамият Халқаро молиявий ҳисобот стандартларига мувофиқ тузилган йиллик молиявий ҳисоботни у Халқаро аудит стандартларига мувофиқ ташқи аудитдан ўтказилганидан кейин, акциядорларнинг йиллик умумий йиғилиши ўтказиладиган санадан камида икки ҳафта олдин эълон қилиши шарт.

## 15 МОДДА

## НИЗОЛАРНИ ЕЧИШ

15.1. Жамиятнинг ташкил этилиши, фаолияти, қайта ташкил этилиши ва тугатилиши, шунингдек акциядорларнинг ҳуқуқларини ҳимоя қилиш соҳасидаги низолар қонун ҳужжатларида белгиланган тартибда ҳал этилади.

## 16 МОДДА ЖАМИЯТНИ ТУГАТИШ ВА ҚАЙТА ТУЗИШ ТАРТИБИ

16.1. Жамият қуйидаги ҳолларда тугатилиши мумкин:

- акциядорлар умумий йиғилишининг қарорига асосан;
- Ўзбекистон Республикасининг амалдаги қонун ҳужжатларига мувофиқ суд қарорига асосан.

16.2. Жамият тугатилаётганда кузатув кенгаши Жамиятни тугатиш ва тугатиш комиссиясини (бундан буён матнда тугатувчи деб юритилади) тайинлаш тўғрисидаги масалани акциядорларнинг умумий йиғилиши ҳал қилиши учун олиб чиқади, Жамиятни суд қарори билан тугатилиши бундан мустасно. Жамият акциядорларининг умумий йиғилиши жамиятни тугатиш ва тугатувчини тайинлаш ҳақида қарор қабул қилади.

Тугатувчи тайинланган пайтдан эътиборан Жамият ишларини бошқариш бўйича барча ваколатлар унга ўтади. Тугатувчи Жамият номидан судда иштирок этади.

16.3. Тугатувчи Жамиятнинг тугатилиши ҳақида, шунингдек унинг кредиторлари томонидан талабларни баён этиш тартиби ва муддатлари тўғрисида қонун ҳужжатларида белгиланган тартибда оммавий ахборот воситаларида эълон беради. Кредиторлар томонидан талаблар тақдим этиш учун муддат Жамиятнинг тугатилиши тўғрисидаги хабар эълон қилинган санадан эътиборан икки ойдан кам бўлмаслиги лозим.

Агар тугатиш тўғрисида қарор қабул қилинган пайтга келиб Жамият кредиторлар олдида мажбуриятларга эга бўлмаса, унинг мол-мулки “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонуннинг 100-моддасига мувофиқ акциядорлар ўртасида тақсимланади.

Тугатувчи кредиторларни аниқлаш ва дебиторлик қарзларини олиш чора-тадбирларини кўради, шунингдек кредиторларни Жамиятнинг тугатилиши тўғрисида ёзма шаклда хабардор қилади.

16.4. Кредиторларнинг талаблар қўйиши учун белгиланган муддат тугаганидан кейин тугатувчи оралиқ тугатиш балансини тузади, мазкур балансда тугатилаётган Жамият мол-мулкининг таркиби, кредиторлар томонидан тақдим этилган талаблар, шунингдек уларни кўриб чиқиш натижалари ҳақидаги маълумотлар кўрсатилади. Оралиқ тугатиш баланс тугатилаётган жамият акциядорларининг умумий йиғилиши томонидан тасдиқланади.

Агар тугатилаётган Жамиятдаги мавжуд пул маблағлари кредиторларнинг талабларини қаноатлантириш учун етарли бўлмаса, тугатувчи Жамиятнинг мол-мулкини суд қарорларини ижро этиш учун белгиланган тартибда кимошди савдосида сотишни амалга оширади.

Тугатилаётган Жамият кредиторларига пул суммаларини тўлаш тугатувчи томонидан қонун ҳужжатларида белгиланган навбат тартибида оралиқ тугатиш балансига мувофиқ, ушбу баланс тасдиқланган кундан бошлаб амалга оширилади.

Кредиторлар билан ҳисоб-китоблар тугаганидан кейин тугатувчи тугатиш балансини тузади, тугатиш баланс тугатилаётган Жамият акциядорларининг умумий йиғилиши томонидан тасдиқланади.

Тугатилаётган Жамиятнинг кредиторлар билан ҳисоб-китоблардан кейин қолган мол-мулки тугатувчи томонидан акциядорлар ўртасида “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги Қонуннинг 100-моддасига мувофиқ тақсимланади.

Тугатувчи юқорида кўрсатилган тартиб-таомиллар тугалланганидан кейин Жамият қимматли қоғозлари чиқарилишларининг давлат рўйхатидан ўтказилганлигини бекор қилиш юзасидан зарур тадбирларни қонун ҳужжатларида белгиланган тартибда ва муддатларда амалга оширади.

16.5. Рўйхатдан ўтказувчи орган юридик шахсларнинг ягона давлат реестрига тегишли ёзувни киритган пайтдан эътиборан Жамиятни тугатиш тамомланган, Жамият эса фаолиятини тугатган деб ҳисобланади.

Рўйхатдан ўтказувчи орган Жамият тугатилганлиги ҳақидаги тегишли ёзувни фақат Жамиятнинг қимматли қоғозлари чиқарилишлари давлат рўйхатидан ўтказилганлиги бекор қилинганидан кейингина киритади.

16.6. Жамиятни қайта ташкил этиш акциядорлар умумий йиғилишининг қарорига кўра қўшиб

юбориш, қўшиб олиш, бўлиш, ажратиб чиқариш ва ўзгартириш шаклида амалга оширилади.

Қонун ҳужжатларида белгиланган ҳолларда юридик шахсларни қўшиб юбориш, қўшиб олиш ёки ўзгартириш шаклида қайта ташкил этиш фақат ваколатли давлат органларининг розилиги билан амалга оширилиши мумкин.

Янгидан вужудга келган юридик шахслар давлат рўйхатидан ўтказилган пайтдан эътиборан Жамият қайта ташкил этилган деб ҳисобланади, бундан қўшиб олиш шаклида қайта ташкил этиш мустасно.

Жамият бошқа юридик шахсга қўшиб юбориш йўли билан қайта ташкил этилганда рўйхатдан ўтказувчи орган қўшиб юборилган юридик шахснинг (Жамиятнинг) фаолияти тугатилганлиги ҳақидаги ёзувни юридик шахсларнинг ягона давлат реестрига киритган пайтдан эътиборан Жамият қайта ташкил этилган деб ҳисобланади.

16.7. Қайта ташкил этиш натижасида янгидан вужудга келган юридик шахсларни давлат рўйхатидан ўтказиш ҳамда қайта ташкил этилган юридик шахсларнинг фаолияти тугатилганлиги тўғрисидаги ёзувни киритиш қонун ҳужжатларида белгиланган тартибда амалга оширилади.

Қайта ташкил этиш тўғрисида қарор қабул қилинган санадан эътиборан ўттиз кундан кечиктирмай Жамият ўз кредиторларини бу ҳақда ёзма шаклда хабардор этади. Кредитор Жамиятдан мажбуриятларни тугатишни ёки муддатидан илгари бажаришни ҳамда зарарларнинг ўрнини қоплашни қуйидаги муддатларда ёзма равишда хабардор этиш орқали талаб қилишга ҳақли:

қўшиб юбориш, қўшиб олиш ёки ўзгартириш шаклида қайта ташкил этиш ҳақидаги ёзма билдириш Жамият томонидан кредиторга юборилган санадан эътиборан ўттиз кундан кечиктирмай;

бўлиш ёки ажратиб чиқариш шаклида қайта ташкил этиш ҳақидаги ёзма билдириш Жамият томонидан кредиторга юборилган санадан эътиборан олтмиш кундан кечиктирмай.

Агар тақсимлаш баланси қайта ташкил этилаётган юридик шахснинг ҳуқуқий ворисини аниқлаш имконини бермаса, янгидан вужудга келган юридик шахслар қайта ташкил этилган жамиятнинг ўз кредиторлари олдидаги мажбуриятлари юзасидан солидар жавобгар бўлади.

Рўйхатдан ўтказувчи орган қайта ташкил этиш натижасида тугатилаётган Жамият қимматли қоғозларининг чиқарилиши давлат рўйхатидан ўтказилганлиги бекор қилинганидан, шунингдек у юридик шахсларнинг ягона давлат реестридан чиқарилганидан кейин янгидан вужудга келган юридик шахсларни давлат рўйхатидан ўтказишни амалга оширади.

0001331



Yuridik shaxs (tadbirkorlik subyektini) davlat ro'yxatidan o'tkazilganligi to'g'risida

## GUVOHNOMA

Ushbu bilan Tadbirkorlik subyektlari yagona davlat reyestriga

"O'ZNEFTGAZINFORMATIKA" Aksiyadorlik jamiyati Qo'shma korxona

(Yuridik shaxsning – tadbirkorlik subyektining tashkiliy-huquqiy shakli ko'rsatilgan holdagi to'liq nomi)

"O'ZNEFTGAZINFORMATIKA" AJ QK

(Yuridik shaxsning qisqartirilgan nomi)

Tashkil etish (qayta tashkil etish, boshqa ro'yxatdan o'tkazish ma'lumotlarini o'zgartirish)

14.07.2014

04-0001331

ro'yxat raqamli yozuv kiritilganligi tasdiqlanadi.

(Sana, oy (so'z bilan), yil):

Soliq to'lovchining identifikatsiya raqami (STIR):

200524022

Tashkiliy-huquqiy  
shakli:

Aksiyadorlik jamiyati

Joylashgan joyi:

Toshkent shahri, Mirzo Ulug'bek tumani, Mirzo Ulug'bek ko'chasi, 32-A-uy,

Guvoohnoma:

Toshkent shahri, Mirzo Ulug'bek tumani, DAVLAT  
XIZMATLARI MARKAZI

to'monidan  
berilgan

(Ro'yxatdan o'tkazuvchi organning to'liq nomi):

